



Broj: 13-01/2-05-26702/19  
Sarajevo, 02.07.2019. godine

**Poziv javnim ustanovama i institucijama Kantona Sarajevo  
za izražavanje interesa za apliciranje u projektu koji provodi UNDP i  
Ministarstvo za rad, socijalnu politiku, raseljena lica i izbjeglice Kantona  
Sarajevo za uklanjanje arhitektonskih barijera  
za nepokretne i teško pokretne osobe**

Ministarstvo za rad, socijalnu politiku, raseljena lica i izbjeglice Kantona Sarajevo poziva sve zainteresovane javne ustanove i institucije Kantona Sarajevo da pismenim putem iskažu interes za učestvovanje u projektu **Uklanjanje arhitektonskih barijera za nepokretne i teško pokretne osobe** čiji je cilj izgradnja prilazne i druge infrastrukture kojom će se osigurati nesmetano kretanje i pristup osobama sa invaliditetom, nepokretnim i teško pokretnim osobama.

Interesovanje se može iskazati za postavljanje pristupnih rampi i rukohvata; ugradnju liftova za nepokretne osobe; uklanjanje ili prilagođavanje izdignutih pragova, stepenika i sličnih prepreka unutar objekta; prilagođavanje pultova i šaltera; prilagođavanje vrata i prolaza osobama s invaliditetom; prilagođavanje toaleta osobama s invaliditetom; te uklanjanje drugih vrsta arhitektonskih barijera koje osobama s invaliditetom onemogućavaju samostalno i jednostavno kretanje i korištenje.

Pravo apliciranja imaju sve javne ustanove, institucije i druga pravna lica pod ingerencijom Kantona Sarajevo, a za objekte u vlastitom vlasništvu ili objekte koje koriste. Projekti prilagođavanja mogu obuhvatiti pristup objektu, kretanje unutar objekta, kao i intervencije na prilagođavaju sadržaja objekta namijenjenog korisnicima. Jedan aplikant može tražiti više intervencija na jednom objektu, kao i intervencije na većem broju objekata.

Pismo interesa za svaki objekat na kom se traže intervencije treba sa sadržati sljedeće informacije i odgovore:



web: <http://mrsri.ks.gov.ba>  
e-mail: [mrsri@mrsri.ks.gov.ba](mailto:mrsri@mrsri.ks.gov.ba)  
Tel: + 387 (0) 33 562-089, Fax: + 387 (0) 33  
562-090  
Sarajevo, Reisa Džemaludina Čauševića 1




1. Opis kandidovanog projekta (opis svake izmjene na objektu pojedinačno);
2. Procjena vrijednosti projekta (potrebna samo slobodna procjena javne ustanove, svratnu procjenu će radit eksperti);
3. Fotografije infrastrukture koju treba prilagoditi;
4. Da li je u pitanju izgradnja nove ili rekonstrukcija postojeće infrastrukture?;
5. Broj nepokretnih lica sa invaliditetom koji redovno koriste usluge javne ustanove? Ako nema tačnih podataka potrebno je navesti procjenu prosječnog godišnjeg broja korisnika uz objašnjenje kako je procjena napravljena i napomenu da se radi o procjeni;
6. Da li je aplikant u mogućnosti sufinansirati dio radova i u kom iznosu?;
7. U čijem vlasništvu je objekat za koji se aplicira? Ako objekat nije u vlasništvu aplikanta, navesti koliko dugo aplikant koristi objekat i za koji period ima potpisan ugovor o korištenju.

Rok za dostavljanje pisma interesa je 20.07.2019. godine.

Pismo interesa se dostavlja lično ili poštom na adresu: Ministarstvo za rad, socijalnu politiku, raseljena lica i izbjeglice Kantona Sarajevo, Sarajevo, ul. R. Dž. Čauševića broj 1. Pisarnica, uz naznaku na kovrti: Pismo interesa za učestvovanje u projektu Uklanjanje arhitektonskih barijera za nepokretne i teško pokretne osobe.

Pripremila: Belma Trajkov, sekretarka Ministarstva



**MINISTAR**

**Mark Garibija**



web: <http://mrsri.ks.gov.ba>  
e-mail: [mrsri@mrsri.ks.gov.ba](mailto:mrsri@mrsri.ks.gov.ba)  
Tel: + 387 (0) 33 562-089, Fax: + 387 (0) 33 562-090  
Sarajevo, Reisa Džemaludina Čauševića 1

